





大般涅槃經

上冊



回向偈

願以此功德  
莊嚴佛淨土  
上報四重恩  
下濟三塗苦  
若有見聞者  
悉發菩提心  
盡此一報身  
同生極樂國

佛曆二五三八年歲次甲戌  
佛陀涅槃日恭印三仟部  
中華民國八十三年

大般涅槃經

上冊

倡印者：隆峰寺

印贈者：隆峰寺三寶弟子

地址：高雄市三民區民族一路三三三之二號

電話：(〇七)三八二四六四九

承印者：和裕出版社

地址：台南市海佃路二段六三六巷五號

電話：(〇六)二五六六四四三

(非賣品)

涅槃降魔咒

阿磨隸 毗磨隸 涅槃隸 瞢伽隸 醯磨羅

若竭裨 三曼那跋提 娑婆他 娑檀尼

婆羅磨他 娑檀尼 摩那斯 阿拙啼 毗羅祇

菴羅賴坻 娑嵐彌 娑嵐磨莎隸

富泥 富那摩奴賴綈

發願偈

誓向此身修般若 常觀我佛住泥洹

不離因緣所起心 即見空中無相體

若效雪山書樹石 或於田里舉筌蹄

普願猶如妙吉祥 俱時明了如來性

大般涅槃經序

後秦涼州釋道朗作

大般涅槃經者。蓋是法身之玄堂。正覺之寶稱。眾經之淵鏡。萬流之宗極。其爲體也。妙存有物之表。周流無窮之內。任運而動。見機而赴。任運而動。則乘虛照以御物。寄言蹄以通化。見機而赴。則應萬形而爲像。即羣情而設教。至乃形充十方。而心不易慮。教彌天下。而情不在己。廁流塵蟻而弗下。彌蓋羣聖而不高。功濟萬化而不恃。明踰萬日而不居。渾然與太虛同量。泯然與法性爲一。夫法性以至極爲體。至極則歸

于無變。所以生滅不能遷其常。故其常不動。非樂不  
能虧其樂。故其樂無窮。或我生於謬想。非我起於因  
假。因假存于名數。故至我越名數而非無。越名數而  
非無。故能居自在之聖位。而非我不能變。非淨生於  
虛淨。故真淨水鏡於萬法。水鏡於萬法。故非淨不能  
渝。是以斯經解章。敘常樂我淨為宗義之林。開究玄  
致為涅槃之原。用能闡秘藏於未聞。啓靈管以通照。  
拯四重之癰疽。拔無間之疣贅。闡秘藏則暢羣識之  
情。審妙我之在己。啓靈管則悟玄光之潛。映神珠之

在體。然四重無間。誹謗方等。斯乃眾患之疢瘡。瘡疣之甚者。故大涅槃以無瘡疣爲義名。斯經以大涅槃爲宗目。宗目舉則明統攝於眾妙。言約而義備。義名立則照三乘之優劣。至極之有在。然冥化無朕。妙契無言。任之冲境。則理不虛運。是以此經開誠言爲教本。廣眾喻以會義。建護法以涉初。睹祕藏以窮源。暢千載之固滯。散靈鷲之餘疑。至於理微幽。蟠微于微者。則諸菩薩弘郢匠之功。曠舟船之濟。清難雲構。翻覆周密。由使幽途融坦。宗歸豁然。是故誦其文而不

疲。語其義而不倦。甘其味而無足。殮其旨而不厭。始可謂微言與詠於真丹。高韻初唱于赤縣。梵音震響於聾俗。真容巨曜於今日。而寡聞之士。偏執之流。不量愚見。敢評大聖無涯之典。遂使是非興於諍論。譏謗生于快心。先覺不能返其迷。眾聖莫能移其志。方將沈蔽八邪之網。長淪九流之淵。不亦哀哉。天竺沙門曇無讖者。中天竺人。婆羅門種。天懷秀拔。領鑒明邃。機辯清勝。內外兼綜。將乘運流化。先至燉煌。停止數載。大沮渠河西王者。至德潛著。建隆王業。雖形處



萬機。每思弘大道。爲法城。灑會開定西夏。斯經與讖  
自遠而至。自非至感先期。孰有若茲之遇哉。讖既達  
此。以玄始十丰歲次大梁十月二十三日。河西王勸  
請令譯。讖手執梵文。口宣秦言。其人神情既銳。而爲  
法殷重。臨譯敬慎。殆無遺隱。搜研本正。務存經旨。唯  
恨梵本分離。殘缺未備耳。余以庸淺。預遭斯運。夙夜  
感戢。欣遇良深。聊試標位。敘其宗格。豈謂必然。窺其  
宏要者哉。

右序見梁釋僧祐出三藏記集。又唐道宣律師大

唐內典錄云。此經凡三萬五千偈。於涼減百萬言。今止萬餘偈。三分始一耳。晉安帝世。中天竺國三藏法師曇摩讖。或云無讖。涼言法豐。齎大涅槃前分十卷到姑臧。沮渠蒙遜僭據涼土。稱河西王。聞讖德名。禮遇甚厚。仍請宣譯。涼土英俊沙門慧嵩親承筆受。涅槃首尾三分之一。來往追尋。涉歷八年。凡經三度。譯乃周訖。本有四十卷。語小朴質。案此本即北宋文帝元嘉年。初達於建康。豫州沙門范慧嚴。清河沙門崔慧觀。共陳郡處士謝靈運等。以讖

涅槃品數疏簡初學之者難以措懷乃依舊泥洹經加之品日文有過質亦頗改治結為三十六卷

案此為南本即今此經是又唐釋靖邁續古今譯經圖紀云沙

門若那跋陀羅唐云智賢南海波凌國人也益府

成都沙門會寧欲遊天竺觀禮聖迹汎舶西逝路

經波凌國遂共智賢譯大般涅槃經荼毗分一部

二卷寄經達於交州儀鳳年案即高宗初交州都督

梁難敵遣使附經入京大慈恩寺沙門靈會於東

宮啓請施行案即今所附隋章安尊者撰玄義文

句以釋南經。唐荆溪尊者就章安文句重為治定。

改稱涅槃經疏

案荆溪並有後分疏今佚

並撰金剛錍以釋無

情有性之義。北宋孤山智圓法師撰發源機要以

釋玄義。撰三德指歸以釋疏。撰顯性錄以釋金剛

錍。歲在壬戌。瑞承諦閑法師命。詳加編會為玄記

六卷。疏記一百卷。金剛錍顯性錄四卷。刻於揚州。

以本經長沙舊刻流通未廣。復命校定刻行。以供

緇素誦讀。因仍錄朗師序文冠首。并記其譯釋源

流。俾讀者有所考焉。癸丑孟夏。徐文蔚顯瑞附識

大般涅槃經目錄

卷第一

序品第一

卷第二

純陀品第二

哀歎品第三

卷第三

長壽品第四

金剛身品第五

名字功德品第六

卷第四

四相品第七之上

卷第五

四相品第七之下

卷第六

四依品第八

卷第七

邪正品第九

四諦品第十

四倒品第十一

卷第八

如來性品第十二

文字品第十三

鳥喩品第十四

卷第九

月喩品第十五

菩薩品第十六

卷第十

一切大眾所問品第十七

現病品第十八

卷第十一

聖行品第十九之上

卷第十二

聖行品第十九之中

卷第十三

聖行品第十九之下



卷第十四

梵行品第二十之一

卷第十五

梵行品第二十之二

卷第十六

梵行品第二十之三

卷第十七

梵行品第二十之四

卷第十八